



Bilten 1

APRIL/MAJ 2022

**Izdavač: Centralna
izborna komisija
BiH**

**Danijela Ozme 7
71000 Sarajevo**

**E-mail:
kontakt@izbori.ba**

Bilten Centralne izborne komisije Bosne i Hercegovine

Elektronsko izdanje BROJ 1, april/maj 2022. godine

Izdavač:

Centralna izborna komisija Bosne i Hercegovine

Danijela Ozme 7

71 000 Sarajevo

Za izdavača:

Dr. Suad Arnautović

Urednik:

Maksida Pirić

Redakcija:

Goran Mišković

Jakuf Subašić

Ermin Kos

Mišo Krstović

Hasida Gušić

Prilozi stručnih službi Sekretarijata CIK BIH

Bilten 1

Predsjednik Centralne izborne komisije Bosne i Hercegovine od 1. aprila 2022 godine je dr. Suad Arnautović



Biografija dr. Arnautovića je dostupna na <https://bit.ly/3QgEPIo>

Centralna izborna komisija BiH je na 12. sjednici održanoj 30.03.2022. godine provela proceduru izbora predsjednika Centralne izborne komisije BiH. Izbor je vršen iz reda bošnjačkog naroda.

Nakon sprovedene procedure, Centralna izborna komisija BiH je u skladu sa Poslovníkom o radu donijela odluku da će dužnost predsjednika CIK BiH od 01.04.2022. godine do 31.12.2023. godine obavljati dr. Suad Arnautović. Sjednici su prisutvovali svi članovi Centralne izborne komisije BiH.

U skladu sa članom 2.6 Izbornog zakona BiH „Predsjednik Centralne izborne komisije BiH bira se iz reda članova Centralne izborne komisije BiH. Po jedan član Centralne izborne komisije BiH iz reda Hrvata, Bošnjaka, Srba, i član iz reda ostalih obavljat će funkciju predsjednika Centralne izborne komisije BiH po principu rotacije i to jedanput u sedam godina u trajanju od 21 mjesec.“



Bilten 1

Centralna izborna komisija Bosne i Hercegovine je u aprilu i maju 2022. godine održala 12 sjednica sa 84 tačke dnevnog reda.



Sjednice Centralne izborne komisije Bosne i Hercegovine se mogu pratiti UŽIVO ili pogledati naknadno na

www.izbori.ba

ili na

<https://www.youtube.com/c/IZBORIBIH>

Bilten 1



Predsjednik Centralne izborne komisije BiH dr. Suad Arnautović je u svojstvu posmatrača nadgledao izborni proces na parlamentarnim izborima u Mađarskoj održanim 03.04.2022. godine.

Posmatračke misije Centralne izborne komisije BiH se koriste i za uspostavljanje međunarodne saradnje sa tijelima za provedbu izbora drugih država a sve u cilju razmjene iskustava.

Dr. Arnautović se tokom boravka u Mađarskoj, sastao sa Dr. Attila Nagy, predsjednikom Državnog izbornog ureda Mađarske i Dr. Téglási András predsjedavajućim Državne izborne komisija Mađarske.

Članice Centralne izborne komisije BiH dr. Irena Hadžiabdić i gđa. Vanja Bjelica-Prutina posmatrale su izbore u Republici Srbiji za izbor predsjednika Republike, narodne poslanike i lokalne odbornike održane u nedjelju, 03.04.2022. godine.

Posmatranje izbora je imalo za cilj povećanje razumijevanja različitih izbornih sistema i primjenjivanje najboljih praksi na izborima u Bosni i Hercegovini.

Međunarodna saradnja predstavlja veoma važan segment u radu Centralne izborne komisije BiH i u budućnosti će biti nastavljeno intenzivno ostvarivanje međunarodnih kontakata.



Članice Centralne izborne komisije BiH dr. Hadžiabdić i gđa. Bjelica-Prutina su se sastale sa predstavnicima Republičke izborne komisije Srbije: predsjednikom gđinom Vladimirom Dimitrijevićem, zamjenikom predsjednika gđinom Markom Jankovićem i članicom gospođom Draganom Odović kao i sa gospođom Marijom Drobñjak, predstavnicom Sekretarijata. Također, održan je i sastanak sa Nj.E. gđom Aidom Smajić, ambasadoricom Bosne i Hercegovine u Republici Srbiji i prvim savjetnikom gđinom Oliverom Marićem.

Bilten 1

U okviru posjete Bosni i Hercegovini delegacija Organizacije za sigurnost i suradnju u Evropi (OSCE) iz Beča se 04.04.2022. godine u sjedištu Centralne izborne komisije BiH u Sarajevu sastala sa članovima CIK BiH gosp. Željkom Bakalarom, gosp. Jovanom Kalabom, dr. Ahmetom Šantićem i gosp. Vladom Rogićem.



U delegaciji iz Beča su bili šefovi stalnih misija pri OSCE-u: Nj.E. ambasadorica Christine Fages, (Republika Francuska), Nj.E. ambasadorica Gesa Brautigam, (Republika Njemačka), Nj.E. ambasador Stafano Baldi, (Republika Italija), Nj.E. ambasador Michael Carpenter, (Sjedinjene Američke Države). Sastanku su također prisustvovali Nj.E. ambasadorica Kathleen Kavalec, šefica Misije OSCE-a u BiH, gđa. Helen Flewker, šefica političkog ureda ambasade Velike Britanije u BiH i gosp. Martino Bianci, politički savjetnik u Misiji OSCE-a u BiH.

Na sastanku je razgovarano o aktivnostima koje provodi Centralna izborna komisija BiH na organizaciji Općih izbora 2022. godine u BiH.

U okviru obuke „Uči, misli i djeluj!“ za omladinske političke lidere koju provodi Institut za razvoj mladih KULT dana, 06.04.2022. godine je organizirana studijska posjeta mladih političkih lidera Centralnoj izbornoj komisiji BiH.

Cilj posjete je bio upoznavanje sa organizacijom rada i nadležnostima Centralne izborne komisije BiH sa akcentom na izborni proces.

Kroz prezentaciju je predstavljena Centralna izborna komisija BiH, njen istorijat, način imenovanja, organizacija rada i nadležnosti sa fokusom na aktualno izbornu zakonodavstvo u BiH.



Centralna izborna komisija BiH je ovom studijskom posjetom i predavanjem dala punu podršku organizaciji Institut za razvoj mladih KULT i njenim nastojanjima u izgradnji kapaciteta mladih u oblasti izbora. Opredjeljenje Centralne izborne komisije BiH je da dosadašnju saradnju sa nevladinim organizacijama podigne na viši nivo i da je konkretizuje kroz razne aktivnosti.

Bilten 1



Centralna izborna komisij BiH je 13.04.2022. godine održala sastanak sa delegacijom Britanske ambasade u Bosni i Hercegovini predvođenom Nj.E. ambasadorom Matthew Fieldom.

Na sastanku je razgovarano o aktivnostima koje provodi Centralna izborna komisija BiH na organizaciji Općih izbora 2022. Godine u BiH. Ambasador Field je iskazao punu podršku radu Centralne izborne komisije BiH.

Dana, 13.04.2022. godine Centralnu izbornu komisiju Bosne i Hercegovine je posjetio Nj.E. Sadık Babür Girgin, ambassador Republike Turske u BiH gdje se sastao sa predsjednikom i članovima Centralne izborne komisije BiH.

Razgovarano je, pored ostalog, o predstojećim Općim izborima u Bosni i Hercegovini.

Centralna izborna komisija BiH je izrazila zahvalnost na dosadašnjoj podršci Ambasade Republike Turske u BiH.



Finansijski izvještaji za 2021. godinu

Godišnji finansijski izvještaji za 2021. godinu

- Informacija o planiranim i isplaćenim sredstvima političkim subjektima u 2021. godini iz budžeta svih nivoa vlasti u BiH
- Informacija o podnesenim godišnjim finansijskim izvještajima političkih stranaka za 2021. godinu sa izvorima finansiranja

001- Bosanskohercegovačka patriotska stranka-Sefer halilović (7)

004-Stranka za Bosnu i Hercegovinu (9)

008-Socijaldemokratska partija Bosne i Hercegovine (11)

016- Srpska radikalna stranka Republike Srpske (5)

017- Hrvatska stranka BiH (8)

Centralna izborna komisija BiH je na 14. sjednici održanoj 14.04.2022. godine, pored ostalog, primila k znanju Informaciju o podnesenim godišnjim finansijskim izvještajima političkih stranaka za 2021. godinu sa izvorima finansiranja i Informaciju o planiranim i isplaćenim sredstvima političkim subjektima u 2021. godini iz budžeta svih nivoa vlasti u Bosni i Hercegovini, <https://bit.ly/3NTZDUC>.

Bilten 1





Predsjednik Centralne izborne komisije BiH dr. Suad Arnautović se 22.04.2022. godine sastao sa Komandantom EUFOR-a Generalmajorom Antonom Wesselyem.

Predsjednik Centralne izborne komisije BiH je informisao delegaciju EUFOR-a o pripremama koje Centralna izborna komisija BiH provodi za raspisivanje Općih izbora u BiH. Izbori će biti raspisani 4. maja 2022. godine, a planirano je da se održe 2. oktobra 2022.godine.

Teme o kojima se razgovaralo bile su aktivnosti koje provodi Centralna izborna komisija BiH u suradnji sa sigurnosnim agencijama BiH, entiteta i Brčko distrikta BiH kako bi podržala ove agencije u osiguranju sigurnog okruženja za neometano održavanje izbornog procesa BiH.

Centralna izborna komisija BiH je 28.04.2022. godine putem ZOOM platforme održala edukaciju o načinu elektronskog podnošenja prijava birača za glasanje izvan Bosne i Hercegovine putem portala „e-Izbori“. Zabilježeno je 216 pojedinačnih prijava za praćenje edukacije.



Elektronski način prijavljivanja birača za glasanje van BiH je u primjeni od dana raspisivanja Općih izbora 2022. godine.

Web aplikacija „e-Izbori“ je razvijena uz podršku Misije OSCE-a u Bosni i Hercegovini.

Bilten 1

Centralna izborna komisija BiH je na 17. sjednici održanoj 04.05.2022. godine donijela Odluku o raspisivanju i održavanju Općih izbora u Bosni i Hercegovini 2022. godine. Izbori će se održati u nedjelju, 2. oktobra ove godine. Odluku je dostupna javnosti na <https://bit.ly/3mFPe2F>.



Centralna izborna komisija BiH je usvojila i Uputstvo o rokovima i redoslijedu izbornih aktivnosti za Opće izbore 2022. godine koji će se održati u nedjelju, 2. oktobra 2022. godine.

Navedeno Uputstvo, kao i svi akti bitni za održavanje Općih izbora 2022. godine objavljeni su na internet stranici Centralne izborne komisije BiH pod linkom “Opći izbori 2022”, <https://bit.ly/3mCdGIE>.




Bilten 1

Dana 04.05.2022. godine javnosti je predstavljena aplikacija „e-Izbori“ i elektronski način prijavljivanja birača za glasanje izvan BiH koja je aktivna od tog dana.



Objavljen je video spot na YouTube kanalu i web stranici Centralne izborne komisije BiH sa jasnim uputama za korištenje aplikacije, pogledajte ga na <https://bit.ly/3tuYo5U>.

Takodjer, na samom portalu „e-Izbori“ postoji korisničko uputstvo. Web aplikacija „e-Izbori“ je razvijena uz podršku Misije OSCE-a u Bosni i Hercegovini,



Bilten 1

U skladu sa Uputstvom o rokovima i redoslijedu izbornih aktivnosti za Opće izbore 2022. godine koji će se održati u nedjelju, 02. oktobra 2022. godine od 06 do 20. maja 2022. godine je bio rok za podnošenje prijave za ovjeru učešća na izborima za političke stranke i nezavisne kandidate.



Pravilnik o prijavi i uslovima za ovjeru političkih subjekata za učešće na Općim izborima 2022. godine kojim se propisuje način podnošenja prijave za ovjeru i uslovi za ovjeru političkih subjekata, način podnošenja potpisa podrške i uslovi oslobađanja obaveze prikupljanja potpisa podrške, te način provjere i potvrđivanja potpisa podrške, način podnošenja i visina takse uz prijavu za ovjeru političkih subjekata i obrasci za podnošenje prijave za ovjeru političkih subjekata, kao i izgled i sadržaj obrazaca kandidatskih listi i propisanih izjava, za učešće na Općim izborima 2022. godine dostupan je na www.izbori.ba na posebnoj podstranici posvećenoj Općim izborima 2022. godine pod linkom: <https://bit.ly/3NPp9KG>.

Bilten 1

Dana, 06.05.2022. godine u Tarčinu je završena dvodnevna tematska diskusija po pitanju razmjene informacija o uzrocima, manifestacijama i posljedicama govora mržnje u Bosni i Hercegovini koju je implementiralo Vijeće Evrope, a zajednički su finansirali Evropska Unija i Vijeća Evrope.



Ovoj tematskoj diskusiji je u ime Centralne izborne komisije BiH prisustvovala gđa Vanja Bjelica-Prutina, članica Centralne izborne komisije BiH.

Definicija i fenomenologija “govora mržnje” na međunarodnom nivou sa posebnim fokusom na Evropsku komisiju protiv rasizma i netolerancije (ECRI), zakonodavstvo i postojeće prakse o govoru mržnje u Bosni i Hercegovini, ključni akteri i prilike za djelovanje u oblasti suzbijanja govora mržnje, bile su samo neke od tema diskusije.

Predstavljena je i metodologija Vijeća Evrope za mapiranje govora mržnje.

Dana 09.05.2022. godine Ambasador Japana u BiH Nj.E. Makoto Ito se u sjedištu Centralne izborne komisije BiH u Sarajevu sastao sa predsjednikom i članovima Centralne izborne komisije BiH.

Glavna tema sastanka je bila organizacija i provedba Općih izbora 2022. godine sa akcentom na izazove sa kojim se susreće Centralna izborna komisija BiH u vezi sa finansiranjem izbora.



Bilten 1

U skladu sa Planom i programom edukacije članova organa za provođenje izbora za 2022. godinu Centralna izborna komisija BiH je 12.05.2022. godine održala obuku predsjednika izbornih komisija osnovnih izbornih jedinica u Bosni i Hercegovini.



Cilj obuke je bio stručno usavršavanje za provedbu Općih izbora 2022. godine sa fokusom na izmjene normi u podzakonskim aktima, promjene pojedinih procedura i uvođenje novih procedura.

Tematske cjeline koje su obrađene na današnjoj obuci su bile: Pravilnik o provođenju izbora u BiH, Pravilnik o upotrebi i izradi izvoda iz Centralnog biračkog spiska, Uputstvo o vrstama, načinu i rokovima za određivanje biračkih mjesta, Pravilnik o utvrđivanju kvalifikacija i postupku imenovanja biračkih odbora, Uputstvo o uslovima i procedurama za akreditiranje izbornih posmatrača u BiH i Zaštita izbornog prava – Poglavlje 6 Izbornog zakona BiH.

Bilten 1

Centralna izborna komisija Bosne i Hercegovine je 13.05.2022. godine na web stranici www.izbori.ba, you tube kanalu <https://bit.ly/3l3Zd11> i twiteru https://twitter.com/IZBORI_BA objavila prvi podcast “Opći izbori 2022”.



U okviru projekta kojeg Centralna izborna komisija BiH realizuje uz podršku Udruženja izbornih zvaničnika u BiH i Ambasade Švicarske u BiH od maja do novembra 2022. godine bit će objavljeno 14 podcast-a (po dva mjesečno).

Cilj ovoga projekta je jačanje transparentnosti rada Centralne izborne komisije BiH kao i pružanja tačnih i pravovremenih informacija svim učesnicima u izbornom procesu.

Svaki od 14 podcast-a će biti fokusiran na konkretan segment izbornog procesa u kojima će se dati odgovori na najčešće postavljena pitanja.

Centralna izborna komisija BiH je 22.05.2022. godine objavila drugi podcast.

Podcast-e pogledajte na linku:


<https://bit.ly/39fc12b>.



Centralna izborna komisija Bosne i Hercegovine se zahvaljuje Udruženju izbornih zvaničnika u BiH i Ambasadi Švicarske na podršci u realizaciji projekta izrade i objave podcast-a „Opći izbori 2022“.

Bilten 1

Centralna izborna komisija Bosne i Hercegovine je 16.05.2022. godine upozorila odgovorne osobe za prikupljanje potpisa podrške birača da to rade u skladu sa zakonom i da se ne dovedu u situaciju da počine „protupravno djelo koje je zakonom propisano kao krivično djelo, čija su obilježja propisana zakonom i za koje je zakonom propisana krivičnopravna sankcija“ .



U skladu sa odredbama člana 4.4 stav (1) Izbornog zakona BiH prijava za ovjeru učešća na izborima političke stranke ili neovisnog kandidata sastoji se od spiska koji sadrži ime i prezime, originalan potpis, broj važeće lične karte i jedinstveni matični broj svakog birača upisanog u Centralni birački spisak koji podržava prijavu političke stranke ili neovisnog kandidata.

Odgovorna osoba svojim potpisom potvrđuje vjerodostojnost i istinitost prikupljenih potpisa podrške.

Centralna izborna komisija BiH je na Lokalnim izborima 2020. godine utvrdila da se na obrascima za prikupljane potpisa podrške nalaze i potpisi za umrle osoba, o čemu je podnijela 173 prijave nadležnim tužilaštvima.

U skladu sa Uputstvom o rokovima i redosljedu izbornih aktivnosti za Opće izbore 2022. godine, 20.05.2022. godine je istekao rok za podnošenje prijava za ovjeru političkih stranaka i neovisnih kandidata za učešće na Općim izborima 2022. godine. U propisanom roku Centralnoj izbornoj komisiji Bosne i Hercegovine predato je 108 prijava političkih subjekata. Prijavu za ovjeru za učešće na Općim izborima 2022. godine podnijela je 91 politička stranka i 17 neovisnih kandidata.



Na osnovu odluke o uvođenju prekovremenog rada, rada u neradne dane i noćnog rada koju je usvojila Centralna izborna komisija BiH, uveden je radni vikend za sve uposlene u Sekretarijatu Centralne izborne komisije BiH i pristupilo se vrlo obimnoj i zahtjevnoj provjeri potpisa podrške birača, kako bi se do 04.06.2022. godine završila aktivnost ovjere političkih stranaka i nezavisnih kandidata za učešće na Općim izborima 2022. godine.

Bilten 1

Centralna izborna komisija Bosne i Hercegovine je 23.05.2022. godine povodom uspostave portal e-Izbori I aplikacije za elektronsku prijavu birača za glasanje izvan BiH održala sastanak sa Nj.E. Kathleen Kavalec, šeficom Misije OSCE-a u BiH i Nj.E. Michaelom J. Murphyem.



Na sastanku su održane i prezentacije portala e-Izbori tokom kojih su predstavljeni rezultati dotadašnje upotrebe aplikacije za elektronsku prijavu birača za glasanje izvan BiH.

Nova platforma e-Izbori omogućava online korištenje servisa Centralne izborne komisije BiH a razvijena je, pored ostalog, sa ciljem unapređenja komunikacije sa biračima i sprečavanja zloupotreba izbornog procesa.

Misija OSCE-a u BiH u kontinuitetu pruža podršku Centralnoj izbornoj komisiji BiH kroz realizaciju različitih zajedničkih aktivnosti i projekata a što su prepoznale i Sjedinjene Američke Države. A jedna od tih zajedničkih aktivnosti je i uspostava portala e-Izbori na čemu im se Centralna izborna komisija BiH zahvaljuje.



Pošaljite nam Vašu mail adresu na kontakt@izbori.ba sa naznakom "Za prijem Biltena Centralne izborne komisije BiH" i novi broj Biltena Centralne izborne komisije BiH će Vam biti dostavljen.

KRAJ